

欽定四庫全書總目卷一百七十六

集部二十九

別集類存目三

東嶠集十五卷

湖北巡撫  
採進本

明李承芳撰承芳字茂卿嘉魚人宏治庚戌進士  
官大理寺評事明史儒林傳與其弟承箕同附陳  
獻章傳末是集詩多俚俗如詠馮道云地獄剉燒  
春磨具定將此賊謝天人白頭吟云恨殺相如非  
正氣未曾焚却白頭吟皆墮入下劣詩魔文亦拙

澀曾璵序謂其識類許魯齋志類范叔子睦族類  
范文正而詩文則甚自類蓋譏其無所師法也

戒菴文集二十卷

兩江總督  
採進本

明靳貴撰貴字充遂號戒菴丹徒人宏治庚戌進  
士官至武英殿大學士諡文僖是集乃吳郡蔡羽  
所編凡文十八卷詩二卷大半皆應俗之作

集古梅花詩四卷

浙江巡撫  
採進本

明童琥撰琥字廷瑞蘭谿人宏治庚戌進士官至  
工部郎中是編皆集句成詩以咏梅花得五言律

詩七言律詩七言絕句各百首又旁及紅梅得七  
言律詩十首所採上自六代下及明初排比聯貫  
往往巧合然非詩家正格徒弊精神於無用之地  
耳

白露山人遺藁二卷

浙江巡撫  
採進本

明黃傳撰傳字夢弼蘭谿人宏治庚戌進士官至  
監察御史是編詩文各一卷其居在邑之白露山  
陽故以山自號因以名集傳受業章懋之門清苦  
自持不愧其師集中有死臥溪山鬼亦清句可以

金文四庫全書系目卷二十一  
見其志節然年未四十而卒文章則未成就也

鶴灘集六卷

浙江巡撫  
採進本

明錢福撰福字與謙松江華亭人宏治庚戌進士  
第一官翰林院修撰家近鶴灘因以自號福少而  
穎悟詩文以敏捷見長故委巷鄙俚之詞率以歸  
之今觀是集實少俳諧之作知小說多附會也未  
爲鶴灘紀事一卷蓋後人綴緝遺聞又多溢美亦  
不盡可憑

勉齋遺稿三卷

浙江巡撫  
採進本

明鄭滿撰滿字守謙慈谿人宏治壬子舉人官至  
山東濮州知州是集爲其仍孫梁敬所編凡文二  
卷詩一卷大旨不詭於正而頗乏修詞之功

毛文簡集二卷

江蘇巡撫  
採進本

明毛澄撰澄號三江太倉人宏治癸丑進士第一  
官至禮部尙書嘉靖初議大禮不合致仕歸道卒  
事蹟具明史本傳是集皆所作雜文前有李維楨  
序稱澄沒十餘年其子希原哀所作詩文爲三江  
集未及剞劂而散佚後其從曾孫君明蒐拾鳩合

屬維禎校刊更名曰遺藁詩已無一存文存者僅  
二卷耳云云此本題曰毛文簡集與序不合豈又  
經重刊歟

何燕泉詩四卷

兩淮馬裕  
家藏本

明何孟春撰孟春有何文簡疏議已著錄孟春少  
遊李東陽之門傳其詩派而才力不及其富瞻故  
往往失之平衍是編乃嘉靖閒署郴州事蔣文化  
選錄刊行亦非其全集也

吳文端集四十卷

安徽巡撫  
採進本

明吳一鵬撰一鵬字南夫號白樓長洲人宏治癸丑進士官至南京吏部尙書諡文端事蹟具明史本傳一鵬力爭大禮抗張璁桂萼之鋒頗著風節而不以文章名是集前有徐階序稱其子純叔所編而不著其名朱彝尊靜志居詩話謂一鵬名位與守溪王鏊鼎峙吳中詩品亦在伯仲閒然鏊不以詩名卽一鵬之詩可知也

姚東泉文集八卷

兩淮鹽政採進本

明姚鏌撰鏌字東泉慈谿人宏治癸丑進士官至

右都御史總督兩廣中蜚語罷職後復起爲兵部  
尙書總制三邊辭不赴以規避落職卒於家事蹟  
具明史本傳是集序記二卷奏疏四卷雜文一卷  
學政事宜一卷文皆曄緩尤多吏牘之辭蓋鎮本  
以武略見也

靜芳亭摘橐八卷

浙江孫仰曾家藏本

明陳洪謨撰洪謨有治世餘聞已著錄是集爲洪  
謨所自定以致仕之後居高吾山下築亭山中牕  
曰靜芳故以名其集又自稱高吾子故亦曰高吾

摘橐其詩音節諧暢而意境不深蓋宏正之間風  
氣初變漸趨七子之派而未盡離三楊之體也明  
史藝文志有陳洪謨文集二卷不載其詩今乃獨  
有詩集而文集未見本傳考此本卷首標題之下  
俱有詩集二字知尙別有文集故以示別非史誤  
也

矩洲集十卷附榜亭集一卷

浙江汪汝璫家藏本

明黃衷撰衷有海語已著錄考千頃堂書目衷有  
文集詩集各十卷是編乃其詩集也凡吳中橐一

卷南中橐一卷閩中橐一卷粵中橐一卷湖中橐  
一卷伐檀橐一卷草堂前後橐二卷續橐二卷多  
描寫風景之作末附楞亭集一卷乃其弟駿所撰  
篇帙不多體格亦弱

仁峰文集二十四卷外集一卷

安徽巡撫  
採進本

明汪循撰循字進之休寧人宏治丙辰進士官至  
順天府通判江南通志稱其遊莊泉之門與王守  
仁數相論辨蓋亦講學之流集中有荅程瞳書云  
朱子著書立言皆欲使人明其理反求於心未嘗

教人弄故紙糟粕以資一己功利後之習其學者  
徒知排比章句而擴充變化之無功辨析詞理而  
持守涵養之不力專訓詁者附會穿鑿疊牀架屋  
汨心思亂耳目工文詞者飾筌蹄取青紫龍斷罔  
利中立爲姦朱子之學果如是乎其持論亦頗中  
流弊然於曠之囂爭門戶不一糾正則猶未破癥  
結也其文第取疏暢不事翦裁詩亦不出擊壤一  
派是集凡文十七卷目錄二卷詩五卷末附詩話  
數則外集一卷附錄敕命行實墓銘祭文之類題

嘉靖辛卯書林劉氏刊行其子戢跋謂先刻其強  
半蓋尙非全藁刻本亦頗多脫佚失於校正云

漢陂集十六卷續集三卷

陝西巡撫  
採進本

明王九思撰九思字敬夫鄠縣人宏治丙辰進士  
官至吏部郎中坐劉瑾黨降壽州同知尋勒致仕  
九思爲宏治七子之一明史文苑傳附見李夢陽  
傳中是集前有自序稱始爲翰林時詩學靡麗文  
體萎弱其後德涵獻吉導予易其習獻吉改正予  
詩藁今尙在而文由德涵改正者尤多云云是其

平生相砥礪者在李夢陽康海二人故其詩體文  
格與二人相似而詩之富健不及夢陽文之粗率  
尤甚於海蓋樂府是其長技他皆未稱其名也正  
集十六卷爲嘉靖癸巳九思門人監察御史王獻  
所刊續集三卷乃九思晚年之作嘉靖丙午巡撫  
翁萬達續刊行之

南川橐十二卷

浙江汪汝  
栗家藏本

明陶諧撰諧字世和號南川會稽人宏治丙辰進  
士改庶吉士授工科給事中以忤劉瑾逮訊謫戍

肅州後起江南按察司僉事官至兵部侍郎總督  
兩廣軍務諡莊敏事蹟具明史本傳是編分爲十  
集曰西行橐北上橐洪都橐十州橐再北上橐題  
贈橐行臺橐草堂續橐北遊橐歸閒橐各一卷雜  
著奏疏二卷正德三年劉瑾所矯示姦黨敕諭一  
道及諧下獄自辨一疏亦附載於末蓋其初刻之  
本後乃重編爲莊敏集也

陶莊敏集八卷附蘭渚遺橐一卷

江蘇巡撫  
採進本

明陶諧撰是集凡詩六卷文二卷據諧自序但自

錄其詩雜著奏疏蓋其後人所續入後附蘭渚遺  
槁則其孫尙寶司丞允淳所撰也諧以風節震一  
世詩文直抒胸臆明白坦易不甚鎔鑄翦裁允淳  
詩亦淺弱而同日冊六妃四絕句尤乖立言之體  
以詩家之法言之不當如是徑直以臣子之禮言  
之亦不容如是褻嫫也

靜觀堂集十四卷

浙江朱彝尊家  
曝書亭藏本

明顧潛撰潛字孔昭崑山人宏治丙辰進士官至  
直隸提學御史以伉直忤尙書劉宇宇讒之於劉

瑾出爲馬湖知府未任罷歸是集凡詩六卷文八  
卷俱平正樸實不事修飾蓋當時風氣類然蘇州  
府志稱所著尙有讀史新知林下記聞湖堧醉韻  
惇史夢林等集方鵬序又稱其有稽古治要若干  
卷蓋亦多所著述者今皆不可見矣

華泉集選四卷

山東巡撫  
採進本

明邊貢撰貢華泉集已著錄此本乃

國朝王士禎所刪定其序謂濟南詩派大昌於華泉  
滄溟二氏而華路藍縷之功又以邊氏爲首庸其

比之曹植謝靈運雖不免夸飾然於李攀龍集終置不論而獨加意於貢集其去取之間亦有微意也

陽明要書八卷附錄五卷

浙江巡撫採進本

明王守仁撰葉紹容編守仁有保甲法已著錄紹永吳江人是書成於崇禎乙亥取守仁全書摘其要語前有小序八首及凡例四條皆著其刪纂之大意浙江通志載朱儀望輯陽明文粹十一卷王畿輯陽明文選八卷而無此書之名蓋偶未見也